

17 NOBEMBWA 2022

Rabakau ae boou ibukin katamaroan riki te boutoka nakoia ataei aika a rang kainnanoa te buoka

- HON JAN TINETTI

E kamatoa ana boutoka te Tautaeka ibukin karoakin te waaki ae e na kanakoraoa riki buokaia ara ataei ao roronrikirake aika a rang korakora kainnanoia, e taku te Kauoman n Minita ibukin te Botaki n Reirei n te bong aei.

E karoaki te kakae ae te Highest Needs Review (Rinanoan Kainnano aika a rang Korakora) n Eberi 2021 ao e a tibwa tia, ao 1100 mwaitin te katamaroa aika a butimwaeaki.

“Imwin taian katamaroa man te kakae, e a tia te Tautaeka ni kariaia taian bitaki aika a rang n kakawaki bwa aonga n tobwaki raoi kainnanoia ara ataei aika rang korakora kainnanoia,” e taku Jan Tinetti.

“Ti kabanea \$1.2 te birion ni katoa ririki ibukin boutokan te reirei, e ngae n anne ao ti ataia bwa n taai aika a nako ao e tokitoki te buka ibukia ataei aika a rang korakora kainnanoia ao a rang mwaiti ara ataei ao roronrikirake aika a tuai man reke buokaia, ngkana a kainnanoia.

“Ibukin katamaroan te waaki ni boutoka bwa e na kaitara raoi te kainnano, e na karoaki te waaki ae e barongaki raoi ibukin karekean te ikarekebai imarenaia ataein te reirei, aia utu ao te tabo n reirei ibukia ataei aika a uarereke ke te reirei. Aio are e na angania ataein te reirei ao utu inaomataia n rinei nanoia aika a mwaiti riki ao n rinea bwa tera tein te boutoka ae e tamaraoa ibukia,” e taku Jan Tinetti.

“Karoan te boutoka ae e kaineti riki nakoia ataein te reirei aika a rang korakora kainnanoia bon ngaia teuana te moanibwai n ana motinnano te Tautaeka ibukin boutokan te reirei ae te Learning Support Action Plan 2019-25.

E irianaki te waaki ae boou n mwangan te rikirake ae itiua mwaitina ibukin te bitaki:

1. Te waaki ae boou ibukin karoan te mwakuri;
2. Boutoka aika a kaineti ma kainnano;
3. Karekean te reitaki n te reirei ae e aki kakaokoroaki;
4. Boutokaan te reirei ibukia ataein te reirei aika kaain Māori ao te Betebeke ao aia utu aika a karoaki irouia kaain Māori ao kain te Betebeke;
5. Taan mwakuri aika a ninikoria ao n konabwai n karoa te mwakuri;
6. Te waaki ae boou ibukin mwanenakin te buka ae kaineti ma kainnano ao e kona n ibitaki; ao
7. Te reitaki n waaki ae korakora ma botaki ake tabeua.

“Mwangan te rikirake bon taian bitaki aika a matata, aki maan ao a teimaan bwa a na kainnanoa te tai ibukin karoakia ao kakoroan nanoia, ao a kainnanoa mwanenakia raoi ae e teimatoa.

E na mwakuri te Botaki n Reirei ma Whaikaha ni karoa te waaki ae boou ao man riboti nakon te Minita n nukan te ririki ae na roko.

“Aio ibukin karoan te bitaki ae teimaan. Inanon te tai ae uarereke, ngkai e tabe n kakaroaki te waaki ae boou, te Botaki n Reirei e na katamaroa te waaki ae ngkai n te aro are e na bebete riki ibukia ataei ao aia utu ibukin karekean buokaia.

“A na buokaki naba taan reirei n anai aia reirei ibukin karababan aia atatai ao aia kanobwai n mwakuri ma ataei aika a rang korakora kainnanoia.

“I kan karabwai ngkami ni kabane – n ikotaki ma kaaro, taan reirei, aia botaki mwauku ao rabwata tabeua n raonaki ma te Advisory Group - are e buoka karaoan te katamaroa. E rang ni kakawaki te katamaroa aio,” e taku Jan Tinetti.

Ibukin warekan te riboti iaon bwanaaia taan anga aia rongorongo ibukin te Highest Needs Review (Rinanoan Kainnano aika a rang Korakora), ae e karaoaki iroun NZCER:

link <https://www.education.govt.nz/highest-needs-change-programme>